



Inatsisartunut ilaasortaq, Sofie Geisler, Inuit Ataqtigiit
Inatsisartut Allattoqarfiat
/Maani

**Naalakkersuisut Siulittaasuata isertitai aalisarsinnaanermullu
akuersissutai pillugit § 37 naapertorlugu apeqqutinnut nr 2019/243-mut
akissutit.**

10-07-2019

Asasara Sofia Geisler,

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Naalakkersuisut Siulittaasuata isertitai aalisarsinnaanermullu akuersissutai pillugu
Inatsisartut Suleriaasianni § 37 naapertorlugu Naalakkersuisunut
apeqquteqaateqarputit. Apeqqutigisatit uannut akisassangortinneqarsimapput.

Apeqqutigineqartut ima oqaasertaqarput:

- 1. Naalakkersuisut Siulittaasuata imminut ilisaritinnerani uani
2015-meersumi**

**https://ina.gl/documents/hverv/4330_hverv_kl.pdf
atuarneqarsinnaavoq Naalakkersuisut Siulittaasuata
atuuffimmi saniatigut aalisarneq piniarnerlu
inuussutissarsiutigai.**

**§37_211/2019-mut akissutini paatsuugassaannngitsumik
akineqanngilaq Naalakkersuisut Siulittaasuut aalisarnermut
akuersissummik peqanngitsoq imaluunniit
tunineqarsimanersoq.**

**- Naalakkersuisut Siulittaasuut aalisarnermut akuersissummik
peqarpa?**

- 2. Taamaassimappat; Aalisarnermut akuersissummik ukiut qassit
Naalakkersuisut Siulittaasuut peqarsimava?**
- 3. Inuussutissarsiummik tassannga Naalakkersuisut
Siulittaasuata ingerlataralugu nammineq
nalunaarutigisimasaanut ingerlatsinermit aalisarnermut
akuersissut atorpeqarpa?**
- 4. Aqutsiveqarfimmik pilersitsiviginiarneqartumi aalisarnermut
akuersissummik peqartoq aalisarnermigut aningaasatigut
qanoq annertutigisumik isertitaqarariaqarpa sumiiffiup
aqutsiveqarfittut pilersinnissaanut sulinermit**

akuusinnaajunnaarnissamut Naalackersuisut aalajangiissappata?

5. Naalackersuisunut Siulittaasutut atuuffiup isumaginerata nalaani Naalackersuisut Siulittaasuata Nuup eqqaani aalisarnermik ingerlatsinera qanoq annertutigisumik pisimava?

Apeqputigineqartunut ilisimatitsissutigisinnaavara, inuussutissarsiutigalugu piniarsinnaanera aalisarsinnaaneralu Inatsisartut Qinigaanerup Misilinneqarnissaanut Ataatsimiititaliaanit akuerineqaqqaartussaammat. Ataatsimiititaliap akuersissuteqarnissaanut atatillugu piumasarineqarpoq inuussutissarsiutinnik ingerlatsisinnaanera piffissami killilikkami kisimi ingerlassinnaassagiga, taamaasillunga inuussutissarsiutinnik ingerlatsinera Naalackersuisut Siulittaasuattut atorfeqarninnut qaqugukkulluunniit killilersuisussaaqqunagu.

Ataatsimiititaliamit piumasaqaatit taaneqartut naapertorluinnarlugit suliakka ingerlattarpakka. Tassunga atatillugu ilisimatitsissutigisinnaavara Naalackersuisut siulittaasuattut Inatsisartunit maaji 2018-imi qinerneqarnerma kingorna Naalackersuisut siulittaasuattut decembari 2014-imi inuussutissarsiulerama inuussutissarsiutigalugu aalisarnermi piniarnermilu isertitakka amerlagisassaannigitsut Inatsiartut Qinigaanerup Misilinneqarnissaanut Ataatsimiititaliaannut ilisimatitsissutigaaakka.

Aalisarnikkut piniarnikkullu suliakka isertitakkalu oqaatigineqareersutut Naalackersuisut siulittaasuattut inuussutissarsiornerma ilaginngilaat. Taakku inuttut namminersortutullu ingerlappakka pisortanilu suliaasaanatik, tak. Inatsisartut Suleriaasianni § 37. Taamaakkaluartoq inuussutissarsiutigalugu aalisartuunissamut/piniartuunissamut pisinnaatitaaffikka ataatsimiititaliamit akuerineqarsimasut pigiinnarnissaannut periarfissarititaasut naapertorlugit ingerlatakka isertitakkalu pillugit Inatsiartut Qinigaanerup Misilinneqarnissaanut Ataatsimiititaliaata ataatsimiititaliamut tunniussinissara kissaatigippagu paasissutissanik ataatsimiititaliamut tunniussinissamut soorunami piareersimajuassaanga.

Illit § 37 naapertorlugu apeqputinnut nr. 211-imut Naalackersuisut akissutaanni aalisarsinnaanermut akuersissuteqarnissamut tunniussisarnerit, piumasaqaatillu malittarisassat erseqqinnerusut aalisarneq pillugu Inatsisartut inatsisaat tunngavigalugu atulersinneqarsimasuni aalisarsinnaanermut akuersissutit uumasullu suussusii pillugit nalunaarutini atuarneqarsinnaapput.

Inuussutissarsiutigalugu aalisarsinnaanermut akuersissummik pigisaqanngilanga.

Paasinninnera naapertorlugu pineqartup ingerlatsinermut suliassaqarfimmi aalisartutut ingerlatsisinnaaneranut akuersissummik tunineqarnissaa kisiat tunngavilersorniarlugu aalisarnerup pineqartup aningaasaqarnikkut amerlassusaat naatsorsorneqassanngillat.

Tamanna inassut suliame peqataasinnaatitaaneq pillugu maleruagassanut naapertuuppoq, tak. sulianik isumaginninnermut inatsimmi kapitali 2. Inatsimmut nassuiaatini suliame peqataasinnaannginneq qanoq paasineqassanersoq, allaffissornikkullu qanoq suliarineqassanersoq nassuiarneqarnera. Inatsit inatsimmullu nassuiaatit Naalakkersuisut nittartagaanni *inatsisit.gl-imi* nassaarineqarsinnaapput.

Pissuserissaarnissaq eqqarsaatigalugu Illit § 37 naapertorlugu apeqqutinnut nr. 211-imut Naalakkersuisut akissutaanni ilisimatitsissutigineqartoq uteqqissavara, Naalakkersuinikkut akisussaassuseqartumik ingerlatsinissamut maleruagassat atuuttut malilluinnarlugit Naalakkersuisuni sulineq aaqqissuunneqartarnera. Naalakkersuisut Siulittaasuata Naalakkersuisoqarfia Naalakkersuisunullu ilaasortat suliassamut peqataasinnaannginnermut atatillugu suliassap suliarineqarnerani aalajangiisinnaannginnerannik, aalajangiinnermi peqataasinnaannginnerannik allatulluunniit peqataassaannginnerannik tamassuma kingunerisaasa ilagaat.

Apeqqutinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen